

SPECIMEN ACADEMICUM

DOCTRINÆ CHRISTI DE PROVIDENTIA
DIVINA PRIMAS LINEAS EXHIBENS.

Quod

EX SPECIALI SACRÆ CÆSAREÆ MAJESTATIS VENIA

CONS. MAX. VENER. FACULT. THEOL. ABOËNS,

Publico Examini offert

Mag. ERICUS GABRIEL MELARTIN,
Gymnasii atque Scholarum per Praefecturam Wiburgensem
Director,

RESPONDENTE

FRIDERICO KORSSTRÖM,
V. D. Ministro, Australi.

In Audit. Theol. die 31 Octobris 1812.

H. p. m. f.

A BOÆ, Typis FRENCKELLIANIS,

4.

Παυτα δοκιμαζετε, το παλον κατεχετε.

1 Thesf. V: 21.



PROOEMIUM.

Interior vis atque sensus doctrinæ & præceptorum Christi, ex iis quæ de dictis rebusque gestis Divi Religionis Christianæ Auctoris carptim & per transennam quasi tradita ad nostram pervenere memoriā, quin fide & certitudine historica rite evolvi posse, vix dubitabitur. Ubi vero in interiora hæc Religionis nostræ adyta penetrare studeas, multiplici te difficultatum silva impeditum facile senties, quarum quidem primum genus in ipsa Sacræ scriptio[n]is indole, a genio nostri ævi multifariam alienæ, a nostris moribus, nostra cogitandi, sentiendi ac eloquendi ratione æque abhorrentis, atque longo temporis intervallo remorte, positum est; alterum vero exinde suboritur, quod haud pauca effatorum Salvatoris vel ab intimis suis amicis & asseclis perperam ab initio intellecta fuisse, historia sacra edocemur; unde haud temere suspicari licet, nec singula ipsius dicta eodem plane sensu aut saltem eadem forma scriptis Evangelistarum confignata extare, quo ex ore ipsius Auctoris emanaverint. Quibus si probabilem addideris conjecturam, orationem Christi, utpote loco temporique semper

consentaneam atque ex oblata sibi differendi occasione quasi
enatam, ad opiniones auditorum religiosas, quas non omnes
uno tempore, sed pedetentim quasi & caute emendandas statue-
rit, ita nonnunquam descendisse, ut præcepta sua generalia a
dictis pro tempore & captu auditorum fecernere liceat; haud
fcio, an in culpam vel impietatis vel levitatis incurrisse cen-
fendus sis.

Hæc in excusationem præsentis quoque instituti summa-
tim monuisse sufficiat. — Inuncto nempe nobis publice dis-
ferendi officio, præcipua doctrina Christi de Providentia Divi-
na momenta, ex nostro qualicumque judicio, quam fieri pos-
sit brevissime, exponenda elegimus; non quod materiei gravis-
simæ pertractandæ pares nos temere haberemus, præsertim
cum labori huic nonnisi horas paucorum dietum subsecivas
impendere licuit; sed quia in arguento, præ ceteris popula-
ri, pratico & luculento, absque conspiua vel eruditionis co-
pia, vel ingenii laude, vel adjumentorum frequentia, tenuio-
res etiam vires periclitari minus absonum duximus. Unde
eam nobis expetimus veniam, qua subinde utuntur peregri-
nantes, cum queæ per regiones delati spatiofas de his comme-
moraverint, non tam pro exacta singularium rerum descriptio-
ne haberi, quam potius exempli causa extare volunt, unde
colligatur, quid præcipue eorum judicio observatu atque me-
moratu dignum fuisse visum.

§. I.

Constat, operam Salvatoris institutoram non solum eo tetendisse, ut religionis vim universam, qualis ea Summo Numinе digna hominique accommodata & fructuosa sit, exponeret, verum etiam, ut præjudicatas temporis, quo degebat, & gentis, cui adscriptus erat, opiniones tolleret & corrigeret, quo circa a re alienum non erit, formam doctrinæ de Providentia, scriptis V. T. exhibetæ, paucis adtingere.

Primum igitur occurruunt opinioneis orbis primævi, quorum vestigia fragmentis historiæ Mosaicæ antediluvianis servata sunt. Produnt istæ, haud minus atque Mosaica illa Cosmogonia, Geogonia & Anthropogonia, infantile adhuc ingenium & fingendi modum. Describitur Conditor universi, opera sua recens perfecta, humana prorsus diligentia, & ad minimas quasque res attentione adhibita, curans: Gen. I: 29, 30; II: 19; III: 8, 21, 24; IV: 4, 5, 10; VI: 3, 6, 14 sqq.

Continuantur hæc notiones immediate divinæ administrationis post diluvium Gen. VIII: 15 sq., 21 sq., IX: 1 sqq.; XI: 5 sqq., quæ deinceps, renovato cum Abrahamo foedere Gen. XVII: 19, 21, antea cum Noacho fancito, Gen. VI: 18; IX: 9, sqq., atque benedictione, olim Adamo Gen. I: 28, & Noacho Gen. IX: 1, sqq. concessa, universalis illa quidem, modo specialiori, Abrahamo ejusque posteris vindicata, Gen. XII: 2, 3, XV: 5, 13 sqq., XVII: 1 sqq. sistema genuere Theocraticum, Jehovam Numen Israëliticæ genti proprium præferens, quod per universam gentis hujus historiam prævalet, atque in scriptis ejusdem sacris frequentissime obtinet.

Lauda-

Laudatur autem s̄epissime Providentia, in phænomenis naturæ mirum in modum conspicua. Sic ministerio Jehovæ parere affirmantur tonitrua & fulgura, venti & pluviae, hyems & procellæ, Hiob. XXXVI: 50 sqq., XXXVII: 2 sqq.; Psalm. XVIII: 8, sqq., XXIX: 3 sqq.; CIV: 4; Jon. I: 4, cet. Deo acceptæ referuntur fruges, herbae, alimenta & commoda quævis, per naturam abundantia; Psalm. CIV: 13, sqq.

Tum specialem hominum curam Deum agere, Hiob. X: 12; XXXIII: 6; Psalm. XXXVII: 5 sqq.; XLI: 1, sqq.; CXXXIX: 16, cet.; eos præmiis, Prov. III: 2, 10, atque pœnis, Hiob. XI: 6, 14 sqq.; Psalm. IX: 6, XCIV: 10, cet., afficere; fata denique non singulorum tantum hominum, v. c. Josephi, Mosis, Davidis, e. a., sed universarum etiam gentium atque imperiorum nutu suo dirigere, plurimis adseritur locis, Jes. X: 10—12, Jer. XVIII: 7; Dan. II: 12 cet., quorum cum notissima sint, allata tantummodo exempli causa excitate sufficiat.

§. II.

Utcumque vero ad excitandum sensum omnipotentie, sapientiae, justitiae & bonitatis Divinæ, in omni rerum mundanarum gubernatione luculenter conspicue, ac grato animo agnoscendæ, & digito quasi monstrandum, humanam omnem formam & fortunam a Summo rerum Arbitro uno pendere, eximie accommodata sint sublimia s̄epius in Libris præsertim Hiobi & Psalmorum abunde reservata votum sacrorum dicta atque effata; variis tamen omnem hanc doctrinam laborare difficultatibus, re penitus considerata, dissimulari nequit. Partim enim anthropomorphismum spirat, v. c. ubi Jehovam ira comotum mortales plectere Exod. XXXII: 10, Jes. LX: 10 cet., quin-

quoniam in perniciem impiorum jurare, Num. XXXII: 10; Psalm. XCV: 11; Ies. XIV: 24, cert., atque consiliorum & factorum paenitentia Gen. VI: 6, 7; Exod. XXXII: 14; Jon. III: 10, cert. prohibetur; partim etiam non tam universalem generis humani, quam potius singularem gentis tantum Israelicam tutelam innuit; partimque tandem limitibus vitae terrenae saepius circumscribitur, quod etiam fere de praeclaro ceteroquin philosophemate Libri Jobi exposito valet, cuius ea videtur esse vis, ut doceat, pios quoque & probos homines non semper continua frui felicitate, sed malis subinde premi intervenientibus, quae vero bonis tandem praeceilentioribus compensentur. — Atque omnino duos animadvertere licet scopulos, in quos popularis de Providentia doctrina impingere videtur, nisi exactis satis atque universalibus muniatur argumentis. Alter nempe est persistentia ordinis universi, legibus physicis constituti, quem tamen hominum causa nonnihil mutari demonstratum eunt Vates Sacri; alter vero conservatio libertatis hominum atque perfectio generis humani moralis, ad quam prorogandam omnem tendere Divinam in rebus humanis ordinandas conspicuam sapientiam edoceri volumus atque opus habemus.

§. III.

Quae igitur in scriptis Evangelistarum existant effata, Christi, Providentiam spectantia, dupli omnino respectu considerari possunt, quatenus nempe vel universam rerum mundanarum gubernationem, vel fortis humani generis moderationem specialem concernunt.

Quod ad illam attinet, observamus, indicari saltim:

1.) Aequalitatem, perpetuitatem, certasque leges, Matth. V: 45, a quibus aberrationes aut exceptiones exceptandae non sunt

sint, Matth. IV: 5—7, cfr. Luc. IV: 9—12; quasque mutare
frustra nitantur mortales: Matth. V: 36, VI: 27.

2) Universalitatem, qua cunctas vel minimi momenti res
complectatur: Matth. X: 29, 30.

3) Administrationem non tantum mediatam, ope virium
naturæ generalium, per se efficacium: Matth. VI: 26, 28—30;
Luc. XII: 24, 27, 28, in quo ordine naturæ tantisper adquie-
scendum; verum etiam immediatam. Licet enim multa porten-
ta fidem factura efflagitaverint Judæi: Matth. XII: 39; XVI:
4; cfr. Marci VIII: 12, Luc. XI: 29; veritas tamen miraculo-
rum Christi satis in aprico posita est.

§. IV.

in initium

Quatenus homo partem constituit orbis physici, iisdem,
quibus cetera natura, paret legibus, atque eadem usibus ejus
providetur naturæ œconomia, qua ceteris animantibus: Matth.
VI: 26, cet. Qua vero natura existit moralis, supra orbem
phænomenorum alte evecta — ad potiorem hanc æquitatem
saltem destinata — speciale efficit providentiae Divinæ obje-
ctum. Quæ specialior generis humani cura, vi effatorum Chri-
sti, est:

1) Universalis, omnes omnino gentes atque homines sin-
gulos — non Judæos solos — benigno beandi consilio com-
pletebant. Perstringitur saepius præjudicata Judæorum opinio
atque superba arrogantia — quæ quatenus libris ipsorum &
traditionibus sacris male intellectis innixa fuerit, supra monui-
mus — postulantium scilicet, posteros Abrahami præ ceteris
gentibus divinæ procuratiōni commendatos, atque ad percipi-
endam terrestrem & cœlestem felicitatem præprimis destinatos
esse

esse, Matth. VIII: 11, 12; Joh. VIII: 59; X: 46. — Cui quidem repugnare videtur praeceptum Christi, emisis ad doceandum duodecim Apostolis: Matth. X: 5, 6, atque responsum mulieri Syrophoenici: Matth. XV: 24, 26., datum; que autem ex contextu, atque coll. Matth. XXVIII: 19, pro loco & tempore, nec universaliter dicta fuisse, facile est ad videndum. Atque curare divinam bonitatem quemvis hominem a recto ad latitudinem & felicitatem tramite aberrantem, praeterea docetur Matth. XVIII: 12—14; Luc. XV: 7 lqq. cet.

2) Perfectionem hominum moralem adjuvans; quatenus
nempe

a) hunc summum esse & ultimum homini in his terris propositum finem, vel ea satis indicaverit providentia, quod externa omnia vitae bona fluxa atque fragilia sint: Matth. VI: 19; Luc. XII: 35, hominique adeo ad desiderium & spem immortalis, numquam periturae felicitatis credo minime satisfacere queant. Unde thesaurum persistentem opesque non interitus, bona opera perficiendo, h. e. dignitatem moralem querendo, parare sibi nitantur; quo facto viliora illa bona sua sponte quasi, absque praecipua aliqua & anxia cura accessura sint: Matth. VI: 20, 32, 33; Luc. XII: 30—33, cet.

b) Huic etiam fini, h. e. excitandæ hominum attentioni ad emendationem morum nullo non tempore necessariam, inservire debeant omnigenæ calamitates atque clades funestæ hinc inde irruptentes; quo quidem sensu eventus orbis physici ad orbem etiam moralem pertineant: Luc. XIII: 2—5.

c) Peculiariter vero modo emendationem hominum comprehendam curaverit providentia, homines excitando præcipuis doctibus atque præcipua auctoritate instructos, qui & doctrina &

exemplo, obrutos vitiis mortales ad meliora erigere conarentur, quorum genti præsertim Judaicæ a primordiis ejus ad Jo-hannem usque baptistam Christo coævum frequentiora contigerint exempla, funesto licet plerumque successu: Matth. XXIII: 29—38; XI: 9, 10, 16—18.

d) Singulari etiam providentiae consilio se missum contestatur Salvator Job. V: 19, sqq; VII: 16; VIII: 29, 42, cet. ut instituto regno morali — non politico ex mente & exspectatione Judæorum: Joh. XVIII: 36 — cuius fieri civis summa sit in terris dignitas: Matth. XI: 11, ci-vium tamen prærogativæ una perfectione morali, actionibus conspicua, definitæ: Matth. V: 19, cet., ruens in perniciem mortalium genus salvaret, Matth. XVIII: 11; Joh. XII: 47, cet. Quæ adeo salus, interna mentis emendatione adsequenda: Joh. III: 3, omni pretio carior sit: Matth. XVIII: 8, 9; XIX: 21, cet. cuiusque jaætura nullis vel maximis viæ bonis externis compensari queat: Matth. XVI: 26, cet.

e) Atque usi Salvator preces frequenter fundendo: Matth. XIV: 23; Luc. V: 16; IX: 28; cet. auxiliatricem Patris cœlestis vim ad perficiendum opus sibi demandatum imploravit: Matth. XXVI: 36, 39, 42, 44; Joh. XII: 27; XVII: 1—26, cet.; sic etiam pia gratiarum actione omnem Ipsi acceptum re-tulit conatum suorum felicem successum: Matth. XI: 25, 26; Joh. XI: 41, 42, cet.; utraque vero ratione certissimam de providentia Divina fidem discipulis suis luculentissimo exemplo ad imitandum proposuit. Qua suffultus fide & certissima præcipiens persuasione, fructus laborum suorum, generi huma-no saluberrimos, numquam fore interituros: Matth. XXIV: 35; XXVIII: 20; Joh. XVI: 33, cet., ne morte quidem & cruciati-bus acerbissimis certo prævisis: Matth. XVI: 21; XVII: 22; XX: 18; XXVI: 2, cet. absterrerit se passus est, quin opus cœlesti auctoritate suscepimus plenissime absolveret: Joh. IV: 34; XVII:

XVII: 4; XIX: 30. — Apostolis vero, Religionem Christianam doctrina & factis deinceps divulgaturis, singularem pollicitus Divinam cooperationem: Matth. X: 19, 20; Job. XIV: 16, 17, 26; XVI: 7, 13, 23; cet., eam inspiravit & mentis firmatatem & constantem de faurite specialissima providentia fidem, quæ effecit ut conspirantibus undiquaque acerbissimis inimicorum odiis non succumberent.

3) Constituto autem in his terris, moderante Divina providentia, ordine morali, salvam tamen manere libertatem hominis moralem, qua circumvincta neque esset virtus nec actionum imputatio, varie docetur. Namque

a) Impios cum piis passim bonis vitae externis frui affirmatur: Matth. V: 45; XIII: 30.

b) Mala physica, quatenus a legibus naturæ, aut aliis, extra arbitrium & scientiam agentis, positis causis, profiscuntur, pro pena peccati — ex præjudicata Judæorum opinione — habenda esse negatur: Luc. XIII: 2—5; Joh. IX: 2, 3:

c) Virtutis studium pariter bona externa semper non sequi, quinimmo ipsam sine horum iactura subinde constare non posse, indicatur: Matth. V: 10—12; X: 37, 38; Joh. XV: 19; XVI: 20, 33, cet.

d) Cuivis homini incumbere urgetur, ut suo ipsis studio bonum morale, pro gradu virium & notitiae, quam maxime possit, augere nitatur: Matth. XXV: 14—50; Luc. XII: 47, 48, cet.

4) Justitia itaque Divina, bonum morale remuneratura & malum punitura, cum in hac vita libero hominis arbitrio obices non ponat, post mortem in futura demum vita eo certius

tius efficax creditur: Matth. XII: 56; XIII: 30, 40—43, 49,
50; XXV: 40, 45, cet.

§. V.

Doctrinam hanc exquisitus pertractare, ejusque & practicum in docenda hominum multitudine usum, & ad tollenda popularia etiamnum præjudicia vim exponere, temporis nos vsetat ratio. Arctissimo ea cum universa Salvatoris morum doctrina cohæret nexu; quippe cuius cardo in hoc vertitur præcepto, debere nos eo anniti, ut dignos nos præbeamus Patris nostri cœlestis filios: Matth. V: 45; ideamque illam exquisitæ moralis perfectionis, quam, in omni universi hujus ordinatione & moderatione manifestatam, de Ipso conceperimus, vita & moribus adsequi studeamus: Matth. V: 48,
